

Sibthorp, John ; Smith, James Edward [Editor]: Flora Graeca, sive plantarum rariorum historia, quas in provinciis aut insulis Graecis legit, investigavit et depingi curavit John Sibthorp: hic illic etiam insertae sunt pauculae species quas vir idem clarissimus, Graeciam versus navigans, in itinere, praesertim apud Italiam et Siciliam, invenit (Voluminis primi - Fasciculus primus): Vol. I.

London, 1806

Seite 24

4

DIANDRIA MONOGYNIA.

FRAVINUS.

Linn. G. Pl. 550. *Juss.* 105. *Gærtn. t.* 49.

Calyx nullus, aut quadripartitus. *Corolla* nulla, aut quadripartita. *Capsula* supera, bilocularis, supernè foliacea, compressa. *Semina* solitaria, pendula.

Flores aliquot fœminei.

TABULA 4.

FRAVINUS ORNUS.

FRAVINUS folioli elliptico-oblongis acuminatis serratis, floribus corollatis.

F. ORNUS. *Linn. Sp. Pl.* 1510. *Ait. Hort. Kew. v.* 3. 445. *Willden. Baumz.* 115. *Woodw. Med. Bot.* 104. t. 36.

F. humilior, sive altera Theophrasti, minore et tenuiore folio. *Bauh. Pin.* 416.

F. florifera botryoides. *Moris. Præl.* 265. *Tourn. Inst.* 577.

ΜΕΛΙΧ *Dioscoridis.*

Μέλιξ *hodiè.*

Disu Budak *Turcorum.*

In monte Parnasso, et circa Byzantium. *Sibth.* Frequens in montibus elatioribus petrosis per totam Graeciam. *D. Hawkins.* h.

Arbor humilis, ramosissima, glabra, ramulis oppositis, teretiusculis. *Folia* decidua, opposita, petiolata, impari-pinnata, bi- vel trijuga; foliola opposita, saepiùs petiolata, elliptico-oblonga, utrinque acuminata, obtusè et inæqualitèr serrata, venosa, undique glabra. *Petioli* longitudine varii, compresso-canaliculati, glabri. *Stipulae* nullae. *Gemmae* villosae. *Paniculae* axillares, oppositae, supradecompositae, multiflorae, vix longitudine foliorum, ebracteatae, glabrae. *Flores* pedicellati, oppositi, corollati, albi. *Calycis* laciniæ ovatae, acutae, subæquales, glabrae. *Petala* lineari-oblonga, obtusa, integerrima, basi attenuata, uniformia et regularia, patentissima, calyce decuplò longiora. *Stamina* duo, petalis alterna parùmque breviora, patentissima, alba, glabra. *Antherae* incumbentes, flavae. *Germen* parvum, subrotundum, glabrum. *Stylus* staminibus quintuplò brevior, rectus. *Stigma* subcapitatum, emarginatum. *Capsula* cernua, lanceolata, emarginata, compressa, glabra, nervosa, basi bilocularis, loculo altero saepiùs abortiente. *Semina* solitaria, cylindracea, ferruginea.

Flores aliquot staminibus destituuntur, dum in aliis paucioribus germen abortivum, stylo prorsùs deficiente, invenitur; ut in icone nostrà conspiciendum est.

Manna officinarum ex hâc arbore diffunditur.

In Minæ peninsulâ tantùm hodiè colligitur. *D. Hawkins.*

a, A. Flos masculus, magnitudine naturali et auctâ.

b. Paniculae ramulus, capsulas maturas gerens.